



CYD-BWYLLGOR CORFFOREDIG Y GOGLEDD

23 Ionawr 2026

TEITL: Diweddariad y Gronfa Trafnidiaeth Ranbarthol

AWDUR: Adam Graham, Uwch Swyddog Trafnidiaeth

1. PWRPAS YR ADRODDIAD

- 1.1. Mae'r adroddiad hwn yn rhoi diweddariad i'r Cyd-bwyllgor Corfforedig (CBC) ar yr adborth a gafwyd gan Lywodraeth Cymru ar y Rhaglen o Gynlluniau drafft a gyflwynwyd ym mis Tachwedd 2025.

2. PENDERFYNIADAU A GEISIR

- 2.1. Nodi'r adroddiad.

3. Y RHESWM AM Y PENDERFYNIAD

- 3.1. Cymeradwyodd y Cyd-bwyllgor Corfforedig y Rhaglen Cynlluniau drafft ar 7 Tachwedd 2025 i'w chyflwyno i Lywodraeth Cymru i'w hadolygu a'i chymeradwyo. Y dyddiad cau ar gyfer cyflwyno oedd 21 Tachwedd, 2025.
- 3.2. Cynhaliodd Llywodraeth Cymru adolygiad o'r rhaglen ac anfonodd sylwadau yn ôl at Uchelgais Gogledd Cymru erbyn 19 Rhagfyr, 2025.
- 3.3. Bydd unrhyw newidiadau sy'n deillio o adborth Llywodraeth Cymru yn cael eu cyflwyno i'r CBC yn ei gyfarfod ar 23 Ionawr, 2026. Ni ddisgwylir y bydd angen gwneud unrhyw newidiadau i'r rhaglen o gynlluniau a gymeradwywyd gan y CBC y mis Tachwedd. Mae'r adroddiad hwn yn amlinellu'r sefyllfa bresennol ar gynnydd y rhaglen a'r gwaith a wnaed i sicrhau cymeradwyaeth derfynol gan Weinidog Cymru.
- 3.4. Ym mis Mawrth 2026, bydd Llywodraeth Cymru yn cymeradwyo rhaglen y Cronfa Trafnidiaeth Rhanbarthol (RTF) ac yn anfon llythyrau cynnig yr RTF ar gyfer blwyddyn ariannol 2026-27 at yr awdurdodau lleol a'r CBCau (yn amodol ar gymeradwyaeth Weinidogol).
- 3.5. Bydd awdurdodau lleol yn dechrau cyflawni cynlluniau ym mis Ebrill 2026.
- 3.6. Yn dilyn canllawiau ariannu Trafnidiaeth Ranbarthol Llywodraeth Cymru, mae gan y Cyd-bwyllgor Corfforedig gyfrifoldeb am ddatblygu Rhaglen bum mlynedd o Gynlluniau i'w hariannu gan yr RTF ac i ymgymryd â rheolaeth gwariant y grant yn ystod y flwyddyn.

4. CEFNDIR

- 4.1. Mewn canllawiau gan Lywodraeth Cymru, gofynnir i CBCau nodi Rhaglen RTF ddrafft sy'n dangos amserlen gyflawni ar gyfer cynlluniau i dderbyn cyllid yn ystod 2026/27 - blwyddyn gyntaf y Gronfa Drafnidiaeth Ranbarthol. Gweithiodd y CBC yn agos â'r holl Gynghorau yn y rhanbarth i adnabod a blaenoriaethu cynlluniau i'w cynnwys yn y Rhaglen ddrafft. Yn ogystal â hyn, mae Llywodraeth Cymru wedi cyngori y gall CBCau argymhell dyfarnu cyllid i gynlluniau ar gyfer blynnyddoedd ariannol 2027/28 a 2028/29, hyd at uchafswm o 50% o'r swm sydd ar gael i'r rhanbarth yn 2026/27. Rhaid i'r rhaglen o gynlluniau fod yn unol â'r Cynllun Cyflawni Trafnidiaeth Rhanbarthol.
- 4.2. Yng nghyfarfod y CBC ar 7 Tachwedd 2025, cymeradwyodd y Pwyllgor raglen o gynlluniau drafft i'w cyflwyno i Lywodraeth Cymru i'w hadolygu. Yna, cyflwynwyd hyn i Lywodraeth Cymru ar 21 Tachwedd.

5. ADBORTH GAN LYWODRAETH CYMRU

- 5.1. Mae Uchelgais Gogledd Cymru wedi gweithio gyda Llywodraeth Cymru a swyddogion yr awdurdodau lleol i ymdrin â rhai o'r cwestiynau cynnar sydd wedi'u codi gan Lywodraeth Cymru.
- 5.2. Anfonodd Llywodraeth Cymru eu sylwadau mwy ffurfiol yn ôl i Uchelgais Gogledd Cymru ar 19 Rhagfyr.
- 5.3. Darparwyd sylw ar bob cynllun, a rhoddwyd sgôr coch, ambr neu wyrdd i bob cynllun, fel a ganlyn:
- Gwyrdd - Mân sylw nad yw'n atal cymeradwyo, ond y dylid ei ystyried wrth gwblhau'r rhaglen yn derfynol (30 Ionawr 2026) ac/neu weithredu'r gwaith.
 - Ambr - Tynnu sylw at fater nad yw'n atal cymeradwyo, ond mae'n rhaid gweithredu arno wrth gwblhau'r rhaglen yn derfynol (30 Ionawr 2026), ac/neu weithredu'r gwaith.
 - Coch - Pryder difrifol a allai atal cymeradwyo os nad yw'n cael sylw.
- 5.4. Yn y cynlluniau sydd ar y rhestr:
- Cafodd 37 sgôr gwyrdd
 - Cafodd 43 sgôr ambr. Rydym yn gweithio gydag awdurdodau lleol i ymdrin â'r wybodaeth ychwanegol sy'n cael ei cheisio ar y rhain
 - Rhoddwyd sgôr goch i dri. Rydym yn gweithio gyda Llywodraeth Cymru a swyddogion awdurdodau lleol i fynd i'r afael â'r pryderon a godwyd ynghylch y rhain. O'r cynlluniau hyn:
 - Mae un ar y rhestr wrth gefn, felly ni ragwelir y bydd yn achosi unrhyw bryderon i'r rhaglen.
 - Mae un arall, sydd hefyd ar y rhestr wrth gefn, yn ymwneud â pherchnogaeth tir ar gyfer cynllun Teithio Llesol arfaethedig felly rydym yn gweithio gyda'r awdurdod a Llywodraeth Cymru i ddatrys y pryder.
 - Mae'r trydydd yn ymwneud â chyllid pellach posibl ar gyfer y prosiect y tu hwnt i'r flwyddyn nesaf ac rydym yn gweithio gyda'r awdurdod lleol a Llywodraeth Cymru i nodi opsiynau ar gyfer symud ymlaen.
- 5.5. Mae angen cyflwyno rhestr ddiwygiedig, gyda'r sylwadau wedi derbyn sylw, i Lywodraeth Cymru erbyn 30 Ionawr.

5.6. Ar adeg ysgrifennu'r adroddiad hwn, gan nodi'r gwaith parhaus a ddisgrifir yn adran 5.4, ni ddisgwylir y bydd angen gwneud unrhyw newidiadau i'r rhaglen o gynlluniau a gymeradwywyd gan y CBC ym mis Tachwedd.

6. GOBLYGIADAU ARIANNOL

6.1. Nid oes unrhyw oblygiadau ariannol yn deillio o'r adroddiad hwn.

7. GOBLYGIADAU CYFREITHIOL

7.1. Nid oes unrhyw oblygiadau cyfreithiol yn deillio o'r adroddiad hwn.

ATODIADAU:

Dim

YMATEB Y SWYDDOGION STATUDOL:

i. **Swyddog Monitro:**

"Dim sylwadau i'w ychwanegu mewn perthynas â phriodoldeb."

ii. **Swyddog Cyllid Statudol:**

"Mae'r adroddiad hwn yn darparu'r wybodaeth ddiweddaraf i'r CBC yn dilyn cymeradwyo'r Rhaglen Gynlluniau ddrafft ym mis Tachwedd 2025. Nid oes unrhyw oblygiadau ariannol i'r adroddiad hwn, ac nid oes gennyf unrhyw sylwadau pellach i'w hychwanegu."